

1X Predla za radom
1X WEB + Prof. Zolotarec

UGOVORNE STRANE:

1. Veterinarski fakultet u Sarajevu (u daljem tekstu: Fakultet), kojeg zastupa dekan prof.dr. Nihad Fejzić i
2. Sportsko-rekreativni centar Ajdinovići (u daljem tekstu: S.R.C.A), kojeg zastupa direktorica Omerčević Sanela.

Zaključili su dana 23. 05. 2017. godine slijedeći

UGOVOR

o nastavnoj, naučnoj i stručno-tehnološkoj saradnji

I PREDMET I CILJEVI UGOVORA

Član 1.

Svrha ovog Ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog Ugovora će biti slijedeća:

- edukacija studenata Fakulteta;
- izvođenje praktične nastave na farmi;
- kontrola kvaliteta stočne hrane koja se koristi u ishrani grla na farmi;
- kontrola mlijeka;
- ispitivanje i utvrđivanje zdravstvenog statusa grla sa farme;
- dijagnostički, preventivni i terapijski tretmani.

II DOPRINOS „S.R.C.A“

Član 2.

U cilju realizacije ovog Ugovora „S.R.C.A“ se obavezuje da će:

- obezbjediti nesmetan pristup akademskom osoblju i studentima Fakulteta u krug farme, kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa Veterinarskom službom na farmi;
- obezbjediti parking prostor u krugu farme za službena vozila Fakulteta kojim će se studenti dovoziti i odvoziti na nastavu;
- obezbjediti adekvatan prostor za kliničku učionicu sa pratećim sadržajima (sanitarni čvor i prostor za garderobu) u kojoj će se u skladu sa nastavnim planovima i programima izvoditi klinička nastava na nastavnim životinjama;
- obezbjediti adekvatan prostor za smještaj nastavnih životinja Veterinarskog fakulteta ;
- obezbjediti adekvatnu ishranu i osnovnu brigu za nastavne životinje Fakulteta;
- jednom godišnje u pismenoj formi dostavljati Fakultetu/šefu klinika izvještaj o zdravstvenom statusu životinja sa kojim studenti dolaze u kontakt;

- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u kontroli proizvodnje, kvaliteta i higijenske ispravnosti mlijeka i mliječnih proizvoda te kontroli stočne hrane;
- omogućiti učešće akademskog osoblja i studenata u uzimanju uzoraka krvi od grla sa farme radi vršenja analize istih u skladu i na način kako je to propisano pozitivnim zakonskim propisima.

II DOPRINOS FAKULTETA

Član 3.

U cilju realizacije ovog Ugovora Fakultet se obavezuje da će:

- za „S.R.C.A“ obavljati stručnu i nepristrasnu kontrolu kvalitete, sirovinskog sastava i posebnih svojstava stočne hrane koja se koristi u ishrani grla na farmi;
- za „S.R.C.A“ obavljati dijagnostičke, preventivne i kurativne tretmane za koje veterinarska služba farme nije osposobljena, odnosno na osnovu zahtjeva veterinarske službe farme;
- za „S.R.C.A“ obavljati laboratorijsku analizu uzoraka krvi uzetih od grla sa farme u skladu i na način kako je to propisano programima kontrole bolesti koje su regulisane zakonskim propisima;
- renovirati, adaptirati i održavati objekat koji je „S.R.C.A“ ustupio Fakultetu za potrebe izvođenja nastave;
- obezbjediti stručno lice (diplomiranog veterinaru) koje će koordinirati i provoditi tehničke poslove za potrebe izvođenja nastave.

Član 4.

Eventualne finansijske obaveze nastale u realizaciji ovog Ugovora između „S.R.C.A“ i Veterinarskog fakulteta Sarajevo će biti regulisane posebnim aneksom.

IV PRIJELAZNE I ZAVRŠNE ODREDBE

Član 5.

Ugovor se zaključuje na period od dvije (2) godine od dana potpisivanja istog i ne može se prećutno produžiti.

Član 6.

Izmjene ovog Ugovora mogu se vršiti uz saglasnost obje ugovorne strane i to putem aneksa Ugovora.

Član 7.

Eventualno sporna pitanja iz ovog Ugovora ugovorne strane se obavezuju da će sporazumno rješavati, a u slučaju nemogućnosti takvog rješenja ugovaraju nadležnost suda u Sarajevu.

Član 8.

Ovaj Ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

Veterinarski fakultet u Sarajevu

Sportsko-rekreativni centar „Ajdinovići“


Prof.dr. Nihad Fejzić, dekan


Direktorica, Omerčević Sanela

Broj: 07.04.28.39/2017
Sarajevo, 28.05.2017

